

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 006, Budžeta Zeničko-dobojskog kantona za 2026. godinu, pozicija „Tekući transferi neprofitnim organizacijama – “Tekući transfer za podršku vjerskim zajednicama” – izvor 10, broj: 02-36-749/26 od 12.01.2026. godine na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

O D L U K U

o odobravanju sredstava sa pozicije „Tekući transferi neprofitnim organizacijama – „Tekući transfer za podršku vjerskim zajednicama“ – izvor 10 Budžeta Zeničko-dobojskog kantona za 2026. godinu

Član 1.

(Predmet)

Odobravaju se sredstva vjerskim zajednicama sa područja Zeničko-dobojskog kantona u iznosu od 175.000,00 KM (slovima: stotinsedamdesetpetiljadakonvertibilnihmaraka) u svrhu sufinansiranja projektnih aktivnosti vjerskih zajednica.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300, subanalitika MAX 006, pozicija „Tekući transferi neprofitnim organizacijama – “Tekući transfer za podršku vjerskim zajednicama” - izvor 10.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu programa utroška sredstava sa tekućeg transfera za podršku vjerskim zajednicama u 2026. godini, prema pregledu – Aneksu sačinjenom na osnovu poziva vjerskim zajednicama koje djeluju na području Zeničko-dobojskog kantona, a koji čini sastavni dio ove odluke.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Izvještavanje)

Korisnici sredstava Budžeta namijenjenih za ovaj transfer dužni su najmanje jednom polugodišnje resornom ministarstvu dostaviti izvještaj o namjenskoj upotrebi odobrenih sredstava.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7146/26

Datum, 10.04.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

Pregled raspodjele sredstava sa transfera za podršku vjerskim zajednicama u 2026. godini

SUBJEKT	PROJEKAT	IZNOS SREDSTAVA (KM)
Muftijstvo zeničko	Redove aktivnosti i projekti u 2026. godini	80.000,00
Medžlis IZ Kakanj	Redovni projekti i programi	21.500,00
Medžlis IZ Olovo	Priprema i štampanje mnografije Medžlisa	8.000,00
Medžlis IZ Gračanica kod Visokog	Nabavka dva multifunkcionalna PVC panela	3.000,00
Medžlis IZ Vareš	Dani bosanske duhovnosti-Karići 2026	5.000,00
Župa Srca Isusova Čajdraš, Zenica	Advent u Čajdrašu i Božićno sijelo	4.000,00
Župa sv. Mihovila arkanđela Vareš	Duhovni koncert Sveti Mihovil	4.000,00
Župa Bezgrešnog začeca Blažene djevice Marije Zenica	Proslava 150 godina od osnivanja Župe	10.000,00
Župa sv. Barbare Breza	Proslava patrona sv. Barbare	1.000,00
Medijski centar vrhbosanske nadbiskupije	Katolički tjednik	5.000,00
Srpska pravoslavna crkvena opština u Kaknju	Izrada Monografije u povodu 100 godina crkve Svetih apostola Petra i Pavla	15.000,00
Svetište Majke Božije Olovo	Proslava 1. maja i proslava Velike Gospe	5.000,00
Srpska pravoslavna crkvena opština u Tešnju	Crkveno-narodni sabor i krsna slava u Tešnju	10.000,00
Jevrejska opština u Zenici	Redovne aktivnosti u 2026	3.500,00
	Ukupno	175.000,00